


佛本行集經

卷三十一

二百九十九
所一

49736



佛本行集經卷第三十一

隋天台三藏法師闍那崛多譯

昔與魔競品第三十四

尔時菩薩於彼初夜以手拍地降伏魔眾波
旬眷屬是時此地六種震動乃至大震猶打
銅鍾是時一切聚落城邑國土所居有諸人

眾彼等皆悉見大地動聞震吼聲心並生疑

各各自往至相師邊或卜師邊天文師邊或

仙人邊或至所解占仰師邊悉皆借問此事

云何何故大地如是震動作此大聲魔與沙

門誰勝誰劣汝等各自善能占仰唯願為我

解說斯事

尔時彼等一切諸仙天文師等各自報其所
問人言摩伽陀國伽耶聚落有兩大力相共
捕試一求出世最大法王一求世間非法之
王兩競爭鬪而於彼中求法王者撲於彼求
非法王者其事已訖後夜中得成大法王不
久欲轉無上法輪而有偈說

一切諸人聞地動
問其占仰師是言
而此大地何故動
速疾汝我等此疑
法王非法王在彼
各試德力誰為尊

各自往詣占師邊
仁等世間聖知者
唯願諦審善觀占
彼等一切諸師報
二人相競鬪威神
摩伽陀國聚落內

菩薩天魔兩相捕。

法行摧伏彼魔軍。

既降伏已得菩提。

成佛法王獨無畏。

尔時如來於彼後夜明星出時得成阿耨多
羅三藐三菩提已於時世間自然而有最大
光明地六種動時彼光明及地動已淨飯王
宮睡眠驚寤喚諸相師并婆羅門天文師等
而勅之言婆羅明輩此事云何爲我解說作
是語已時諸占相天文師等即白王言唯願
大王且少時忍我等占仰然後白王
尔時佛母摩耶夫人已得天身作玉女形從
天上下告淨飯王及羅睺羅母耶輸陀羅等
作如是言大王當知今夜王子悉達多已成

阿耨多羅三藐三菩提以是相故大地震動
如來既成三菩提已降伏衆魔無有怨敵於
世間中無所可畏是時色界淨居諸天心尚
疑惑如來得成三菩提不

今時世尊知彼諸天心之所念飛騰虛空爲
彼諸天斷疑心故說於如是師子吼聲我今
已斷諸慾愛結已定慾心乾竭一切諸煩惱
水更不復流不受後有更不轉入於煩惱內
度盡苦邊更無復餘

今時彼等一切諸天聞此語已心各思惟如
來已得成三菩提歡喜勇躍遍滿其體不能
自勝將天妙華塗土香末香天旃檀香牛頭旃

檀細末之香曼陀羅華摩訶曼陀羅華散如
來上散已復散其魔波旬見諸天衆將如是
等供養之具供養如來見已即對如來之前
相去不遠地上而坐悵快不樂心大憂愁以
一荻片而畫於地復如是念世實希有難可
思議諸仙苦行我能迴轉其帝釋等一切諸
天我能教發貪慾之心云何今此沙門釋種
一心三昧經暫時間使我軍馬皆悉降伏如
是已後如來密教廣行佛事說法之時諸比
丘等即白佛言希有世尊世尊云何以精進
力得三菩提成七道分滿足法寶作是語已
佛即告彼諸比丘言汝諸比丘今應當知然

我非但此之一世精進力故得三菩提及七
道分我往昔時精進力故得摩尼寶時諸比
丘即白佛言世尊此事云何願爲我等分別
解說

爾時佛告諸比丘言汝諸比丘志心諦聽我
念往昔有一商主入海採寶而於海內得一
貴重摩尼之寶其價正直百千兩金得已忽
然還墮海中時彼商主即持一杓發大精進
勇猛之心杼大海水欲令乾竭求摩尼寶時
海神天見於彼人杓杼海水將置陸地見已
即作如是念言此人愚癡無有智慧大海之
水無量無邊其人云何以杓欲杼置於陸地

而彼海神即說偈言

世間多有衆生輩

我今見汝大愚癡

八万四千由旬海

困乏徒自喪一生

所杼之水如毛滴

汝今無智不思惟

尔時商主復向海神而說偈言

天神此為不善言

神但定意正觀我

仁住於此長夜停

我誓精懃心不退

為貪財利種種為

更無有人過汝者

今欲以杓杼令乾

所持未多命便盡

此大海廣而甚深

耳璫欲取須弥作

乃欲遮我乾竭海

不久杼海當令空

是故心應大憂惱

必竭大海使令乾

我無價寶墮此中

是故要枯大海水

水若盡底還獲寶

得已當迴歸向家

時彼海神聞是語已心生恐怖作如是念此人如是精進勇猛杼此海水必當竭盡時彼海神如是念已即還商主無價寶珠還已而說如是偈言

凡人須作勇猛心

負擔若疲莫辭倦

我見如是精進力

失寶還得歸向家

尔時世尊而說偈言

精進處處得稱心

嬾惰恒常見大苦

是故勤發勇猛意

智人以此成菩提

佛告諸比丘欲知尔時大商主者即我身是

時彼商主入海既得無價寶珠得還復失以
勇猛心求寶還得今日亦然以精進故得阿
耨多羅三藐三菩提七覺分道

時諸比丘即白佛言希有世尊希有奇特不
可思議一人獨自能降是等一切魔衆作是
語已即各嘿然

尔時世尊復更重告諸比丘言汝諸比丘至
心諦聽我非但今獨自如是降伏衆魔過去
世時亦曾如是獨自降伏彼等魔衆時諸比
丘即白佛言世尊其事云何唯願爲我分別
解說

尔時佛告諸比丘言汝等善聽我念往昔無

量世時有二兄弟鸚鵡之鳥一名摩羅梨

隋言 二名臊陀祁梨 隋言 彼時二鸚鵡在於

樹上忽然有鷹迅疾而來撮一小者將飛空

行尔時彼兄即向其弟而說偈言

獨自一人亦得苦 獨自一人亦得樂

汝啄彼鷹要苦處 其若苦困即放汝

汝今身小我薄力 唯汝精勤莫懶墮

其弟既聞兄語已 欲出勇猛威力事

盡身極力思量竟 即便要處啄鷹身

鷹患身體苦痛纏 速疾即放鸚鵡鳥

鷹以身體患痛故 疾走處處求歸依

其巧鸚鵡鳥脫由 以啄彼鷹最要節

鷹困無有避藏處

巖熾鸚鵡鳥空行

鷹見鸚鵡逐後飛

捨離遠走求活路

尔時啄鷹鸚鵡者

今即我身釋迦是

彼鷹即是魔波旬

於時我唯獨自身

已能降伏彼令得

況復於今功德備

那得不伏彼魔王

汝等比丘宜知此

尔時諸比丘復白佛言世尊云何魔王波旬

數數欺誑如來不能得著而如來常免彼已

難作是語已世尊復告諸比丘言汝諸比丘

志心諦聽當為汝說我非但今被魔波旬所

誑得脫不曾被其之所惱亂過去世時魔王

波旬誑惑於我亦不能得燒亂於我時諸比

丘即白佛言世尊其事云何唯願爲我分別
解說

尔時佛告諸比丘言我念往昔有一河名波

梨耶多

隋言度
彼節

時彼河岸有一人是結華瓊

師其人有一園在彼河側而彼河內時有一龜

從水而出至華園中求食而行處處經歷踏

壞其華時彼園主見於彼龜處處求食踐壞

其華是時園主即作方便捕捉彼龜捉已置

於一筐篋中將欲殺食

尔時彼龜作如是念我今云何得脫此難作

何方便作何巧智即發是心我今可誑此之

園主作是念已即向園主而說偈言

我從才出身有泥

汝且置華洗我躰

我身既有泥不淨

恐畏汗汝篋及華

時彼園主作如是念善哉此龜善言教我我

今不得不取其言我洗其身勿令泥汗我之

華篋作是念已即手執龜將向水所欲洗龜

身是時彼人即提龜出置於石上抄水欲洗

是時彼龜出大筋力忽透沒水時華鬘師見

龜沒水作如是念奇哉是龜乃能如是誑惑

於我我今還可誘誑是龜使令出水時華鬘

師即向彼龜而說偈言

賢龜諦聽我作意

汝今親舊甚衆多

我作華鬘繫汝咽

恣汝歸家作喜樂

尔時彼龜作如是念此華鬘師妄言誑我彼
華鬘師母患著牀其姊採華造鬘欲賣以用
活命今作是言定是誑我欲食我故誘我出
耳是時彼龜向華鬘師而說偈言

汝家造酒欲會親

廣作種種諸味食

汝至家內作是語

龜肉煮已脂糝頭

尔時佛告諸比丘言汝等比丘欲知彼時入
水龜者我身是也華鬘師者魔波旬是其於
尔時欲誑惑我而不能者今復欲誑何由可得
時諸比丘復白佛言希有世尊實難思議魔
王波旬威勢自在統於慾界種種誑惑猶不
能動此之坐處作是語已尔時佛告諸比丘

言汝諸比丘今應當知非但今日此魔波旬
將其力勢欲誑惑我過去亦然不能誑惑得
我之便時諸比丘即白佛言善哉世尊其事
云何唯願為我分別解說

尔時佛告諸比丘言我念往昔於大海中有
一大虬其虬有婦身正懷妊忽然思欲獼猴
心食以是因緣其身羸瘦痿黃宛轉戰慄不
安時彼牝虬見婦身躄如是羸瘦無有顏色
見已問言賢善仁者汝何所患欲思何食我
不聞汝從我索食何故如是時其牝虬嘿然
不報其夫復問汝今何故不向我道婦報夫
言汝若能與我隨心願我當說之若不能者

我何假說夫復荅言汝但說着若可得理我
當方便會覓今得婦即語言我今意思獼猴
心食汝能得不夫即報言汝所須者此事甚
難所以者何我居止在大海水中獼猴乃在
山林樹上何由可得婦言奈何我今意思如
此之食若不能得如是物者此胎必墮我身
不久恐取命終是時其夫復語婦言賢善仁
者汝且容忍我今求去若成此事深不可言
則我與汝並皆慶快

一 大樹名優曇婆羅

隋言水願

時彼樹有一大獼猴

在於樹頭取菓子食是時彼虬既見獼猴在

樹上坐食於樹子見已漸漸到於樹下到已
即便共相慰喻以美語言問訊獼猴善哉善
哉婆私師吒在此樹上作於何事不甚辛勤
受苦惱耶求食易得無疲倦不獼猴報言如
是仁者我今不大受於苦惱虬復重更語獼
猴言汝在此處何所食噉獼猴報言我在優
曇婆羅樹上食噉其子是時虬復語獼猴言
我今見汝甚大歡喜遍滿身躰不能自勝我
欲將汝作於善友共相愛敬汝取我語何須
住此又復此樹子少無多去何乃能此處願
樂汝可下來隨逐於我我當將汝渡海彼岸
別有大林種種諸樹華菓豐饒所謂菴婆菓

閻浮菓梨拘闍菓頗那婆菓鎮頭迦菓無量
樹等獼猴問言我今去何得至彼處海水深
廣甚難越度我當云何堪能浮度是時彼虬
報獼猴言我背負汝將度彼岸汝今但當從
樹下來騎我背上

尔時獼猴心無定故狹劣愚癡少見少知聞
虬美言心生歡喜從樹而下上虬背上欲隨
虬去其虬内心生如是念善哉善哉我願已
成即欲相將至自居處身及獼猴俱沒於水
是時獼猴問彼虬言善友何故忽沒於水虬
即報言汝不知也獼猴問言其事云何欲何
所爲虬即報言我婦懷妊彼如是思欲汝心

食以是因緣我將汝來

尔時獼猴作如是念嗚呼我今甚不吉利自
取磨滅嗚呼我今作何方便而得免此急速
厄難不失身命復如是念我須誑虬作是念
已而語虬言仁者善友我心留在優曇婆羅
樹上寄著不持將行仁於當時云何依實不
語我知今須汝心我於當時即將相隨善友
還迴放我取心得已還來

尔時彼虬聞於獼猴如是語已二俱還出獼
猴見虬欲出水岸是時獼猴努力奮迅捷疾
跳躑出大筋力從虬背上跳下上彼優曇婆
羅大樹之上其虬在下少時停待見彼獼猴

淹遲不下而語之言親密善友汝速下來共
汝相隨至於我家獼猴嘿然不肯下樹虬見
獼猴經久不下而說偈言

善友獼猴得心已

願從樹上速下來

我當送汝至彼林

多饒種種諸菓處

尔時獼猴作是思惟此虬無智如是念已即

向彼虬而說偈言

汝虬計狡雖能寬

而心智慮甚狹劣

汝但審諦自思忖

一切衆類誰無心

彼林雖復子豐饒

及諸菴羅等妙菓

我今意實不在彼

寧自食此優曇婆

尔時佛告諸比丘言汝諸比丘當知彼時大

獼猴者我身是也。彼時虬者魔波旬是。於時猶尚誑惑於我而不能得。今復欲將世間自在五慾之事而來誘我。豈能動我此之坐處。作是語已。時諸比丘復白佛言。希有世尊。竒特世尊。實難思議。此事云何。魔王波旬將此醜陋異類軍衆。至如來所。如來復能一一觀知。今時佛告諸比丘言。比丘當知。非但今日魔王波旬將此醜形大魔軍衆。至於我邊。我亦觀知。時諸比丘即白佛言。希有世尊。其事云何。願爲解說。我等樂聞。

今時世尊告諸比丘。我念往昔有一獵師。知有一林多饒諸鳥。數下彼處。其到彼已。作於

草菴將雜樹枝而覆其上即入其中隱身坐
住時彼諸鳥謂是樹枝飛下來栖於其菴上
時其獵師見鳥栖上漸漸或射或搦而殺時
有一鳥見此菴已作如是念此之菴舍處處
移動自餘諸樹安定一住此菴之下必不空
然如是知己遠離彼菴不被獵師之所捉搦
而說偈言
我見一切林諸樹
諸阿梨羅并閻浮
安住停止於一處
此樹轉易處處行
若當其內有惡物
阿說及於毗醯羅
無胎羅彼鎮頭樹
從生已來不動移
其中必應不空立
我應速疾捨此林

心裏既生大狐疑

或是惡行無慈愍

恐畏彼中殺害我

又我往昔於他方

已曾搥裂網走來

智者既知應捨此

今時佛告諸比丘言汝等當知彼飛鳥者我

身是也其獵師者魔波旬是其於彼時作可

畏形欲殺害我我時觀知今復將此可畏醜

陋魔之軍衆來於我邊我亦又知今時世尊

而說偈言

世間若不深思惟

云何能得上人法

今我以勝思惟故

從縛解脫得無爲

佛本行集經二商奉食品第三十五

今時世尊初始得成於菩提道在樹下坐經

七日夜跏趺不起以念解脫快樂為食。介時
世尊過七日已一心正念從三昧起坐師子
座初夜正觀十二因緣下觀至上上觀至下
善念善觀不失不異因彼生此因有於彼則
復有此所謂緣無明有諸行緣諸行有識緣
識有名色緣名色有六入緣六入有觸緣觸
有受緣受有愛緣愛有取緣取有有緣有有
生緣生有老病死憂悲苦惱等苦生介時世
尊知此法已而說偈言

若有梵行觀諸法

即見如是法相生

若見諸法從相生

即知諸法因緣有

介時世尊還彼夜半觀十二緣從始至終逆

觀至心善觀善念不失不亂因無彼故則此
自無因滅彼故則此自滅所謂無明滅即行
滅行滅乃至生老病死憂悲苦惱一切悉滅
尔時世尊知此法已而說偈言

若有梵行觀諸法
若見諸法從相生

即見如是法相生
即知諸法因緣滅

尔時世尊還彼後夜觀十二緣從始觀終從
終觀始善觀善念不失不亂所謂彼生已復
生此因有彼復有此因無彼此亦無彼滅已
此亦滅所謂因無明緣諸行緣諸行已乃至
一切生老病死諸苦惱等皆悉相生彼無已
此亦無彼滅已此亦滅尔時世尊知此義已

而說偈言

若有梵行觀世間

即見相生乃至滅

既散諸魔建立住

若彼日天曜虛空

尔時世尊從彼師子座上而起離菩提樹相

去不遠還跏趺坐七日不動以解脫行用爲

安樂七日諦觀於菩提樹目不暫捨復作是

念我此處盡無邊際苦以捨重擔尔時世尊

過七日後正念正知從三昧起其後有人在

於如來觀道樹處起塔名曰不瞬目塔而說

偈言

於此道場盡諸苦

復斯坐處觀彼座

已度諸願至彼岸

我於彼處證菩提

尔時世尊從眼不瞬塔所起已安庠漸至廣
摩梨支隋言陽缺經行之處到經行已跏趺而坐
復經七日受解脫樂尔時世尊過七日已正
念正知從三昧起

尔時迦羅龍王

隋言黑色

詣於佛所到佛所已頂

礼佛足却住一面住一面已即白佛言世尊

我此宮殿往昔已曾布施過去一切諸佛諸
佛受已各住於此憐愍我故其諸佛者所謂
拘留孫世尊拘那含牟尼世尊迦葉世尊今
日世尊善哉知時憐愍我故少時住此所以
者何我已將此宮殿布施過去三佛今日世
尊第四爲我受此宮殿即名四佛受我宮殿

具足功德

尔時世尊即受迦羅龍王宮殿受已入中躡
跌而坐復經七日一定不起受解脫樂尔時
世尊過七日已正念正知從三昧起告彼迦
羅大龍王言汝龍王來從我邊受佛等三歸
并及五戒汝當長夜受大安樂時迦羅龍即

白佛言謹隨佛教心不敢違如世尊勅時迦
羅龍聞佛語已合掌向佛即從佛受三自歸
依歸依佛歸依法歸依僧復受五戒於世間
中最初而得優婆塞名於畜生中再說三歸
受三歸已所謂即是迦羅龍王

尔時復更有一龍王名曰真隣陀向於佛所

到佛所已頂禮佛足却任一面任一面已是
時龍王即白佛言世尊我此宮殿往昔過去
已曾布施一切諸佛受已而任所謂拘婁孫
世尊拘那含牟尼世尊迦葉世尊善哉世尊
今亦爲我受此宮殿我得四佛三藐三佛陀
受此宮殿我獲善利

尔時世尊從彼目真隣陀龍王受宮殿已跏
趺而坐一坐經於七日不起爲欲受於解脫
樂故時彼七日虛空之中興雲注雨起大冷
風於七日內雨不暫停遂成寒凍尔時目真
隣陀龍王從宮殿出以其大身七重圍遶擁
蔽佛身復以七頭垂世尊上作於大蓋疑然

而任心如如是念莫令世尊身軀寒冷風濕塵
坩蚊蚋諸虫觸世尊體

尔時世尊過七日已見虛空中無有雲霧以
得清淨正念正知從三昧起尔時目真隣陀
龍王攝其龍身七重遶已隱於龍形化作年
少婆羅門身在於佛前合十指掌頂礼佛足
而白佛言世尊我今不以恐怖如來燒亂如
來故以龍身遶佛七匝又以七頭覆世尊上
安然而任但恐世尊身有寒冷風塵土坩水
漿蚊蚋觸世尊軀世尊我時思惟如是事已
覆世尊身尔時世尊以是因緣即便說偈自

讚嘆言

知足寂定最安樂

知足觀諸法甚深

安樂不惱於世間

亦復不殺害衆類

若得世間安樂者

遠離一切諸慾貪

捨於我慢自矜高

此樂最爲勝妙樂

人間所有諸慾樂

若能盡捨愛悉無

彼樂此樂等校量

十六分中不及一

尔時世尊說是偈已告目真隣陀龍王言汝

大龍王來受三歸并受五戒汝當長夜得安

樂故時目真隣陀即白佛言如世尊教不敢

有違其目真隣陀聞佛教已即從佛受三自

歸依及受五戒

尔時彼處有牧羊子當於世尊爲菩薩時在

彼苦行六年之中以向世尊淨心供養恭敬
尊重復將乳汁以奉世尊兼復別折左拘陀
枝為作蔭涼時彼樹枝即成大樹然其羊子
隨此多少信心福業善根因緣命終已後即
得生於三十三天便成大德威力天子神通
自在時彼天子生天上已作是思惟今此果
報本因何業而得是身復作是念往昔世尊
為菩薩時我以身造作如是業菩薩苦行我
奉乳汁菩薩在彼我將左拘陀樹一枝插於
地上為於菩薩作蔭涼故藉斯善業我今得
此微妙果報復如是念我以世尊為菩薩身
親供養故得是果報種彼樹枝以作蔭涼是

故我今得是果報兼得如是無礙神通况復
世尊今已得成無上菩提今當爲我還彼樹
下受彼樹蔭時彼天子身出大色最勝光明
夜半一向照彼樹所以天光明自照朗已詣
向佛所到於彼已頂礼佛足却住一面時彼
天子即白佛言善哉世尊唯願爲我受於彼
樹隨意安樂憐愍我故

尔時世尊爲欲憐愍彼天子故受於往昔羊
子所種左拘陀樹受已樹下跏趺而坐一坐
便經七日不動以解脫住受安樂故

尔時世尊以過於彼七日之後正念正知從
三昧起告天子言汝天子來可從我邊受三

自歸并及五戒汝當長夜得安樂故而彼天子受三自歸及五戒已時彼世間最初天中成優婆塞以佛再過說於三歸謂羊子身布施於樹及乳等故得成天身

佛本行集經卷第三十一

所

撲

反蒲角

怨敵

徒的上音寃下

荻

徒的約

杓

反時若

杼

滌

字滴當音

邠

徒夷

臊

蘇刀

鷹

於陵

迅

卓

媯

遠音

塲

莫班

躡

徒荅反

筐

上音佳

反卓

逗

音

咽

音煙

脂

下音義

虬

下音幽

懷

妊

下而

羸

瘦

痿

黃

戰

慄

字音

訖

音

狹

侯

努力

上乃

奮

上

字音

訊

音

狹

侯

努力

上乃

奮

上

閨捷反才莖蹠躑上音藉反才夜忖反七

獾獵反良輒反數下栖西音搨反醢反呼

狐疑胡上音搥裂獲上俱反卑觸下瞬反詩反闈蔽反必

反嶷然反上宜力反匍悶反蚊蚋上莫庚反文下矜高祭

陵上及居反牧羊上音目插楚插楚同反



